

**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Articvlvs II. Vtrum materia corporalis obediat Angelis ad nutum. artic. 2.

[urn:nbn:de:hbz:466:1-73915](#)

Dæmones
subiacent
honorū An-
gelorum po-
testati.

Subiacent verò angeli mali potestati bonorum Angelorum, à quibus vel coercentur, vel permittuntur infideli hominibus, & Ecclesiam infestare prout expedit, & intelligunt esse Dei voluntatem: illis etiam interdum manifestant aliqua, vt tamquam ministri diuinæ iustitiae, illa aduersus homines exequantur, vt hoc loco articulo quarto tradit D. Thomas.

Finita verò militante Ecclesia, cessabit principatus, & ordo ille inter dæmones: quia cessabit finis, ad quem permittitur, & ad quem inter se coniurant. Atque de huiusmodi dæmonum principatu exponi etiam optimè potest illud primo ad Corinthios decimoquinto: Deinde finis, cùm tradiderit regnum Deo & Patri, cùm euacuerit omnem Principatum, & Potestatem, & virtutem (dæmonum scilicet, quæ illucsumque permittet) operiet autem illum regnare donec ponat omnes inimicos sub pedibus eius: nonissime autem inimica destruetur mors (per resurrectionem scilicet iustorum finite hoc mundo, & lucta Ecclesie militantis) omnia enim subiecti sub pedibus eius (Christi, scilicet, quæ homo est.) Cùm autem dicat: Omnia subiecta sunt ei, sine dubio praeter eum qui subiecti ei omnia: cùm autem subiecta fuerint illi omnia, tunc & ipso Filius subiectus erit ei, qui subiecti sibi omnia, & sic Deus omnia in omnibus. Hec Paulus eo in loco. In quen ait Glossa: Quamdu durat mundus, Angeli Angelis, homines hominibus, & dæmones dæmonibus presunt. Obferua tamen in dæmonibus esse Principatum, Potestatem, & virtutem, ad malum, dum scilicet ad hominum euerctionem imitari satagunt Principatum, Potestatem, & virtutem sanctorum Angelorum ad bonum, promotionisque hominum in vitam eternam.

QUÆSTIO CX.

De præsidentia Angelorum super crea-
turam corporalem.

ARTICVLVS I.

Vtrum creatura corporalis administretur
per Angelos.

SENTENTIA D. Thomæ est, crea-
turam corporalem administrari per An-
gelos, non solum quatenus intelligentiæ mouent orbis cœlestes, à quorum

motu generationes & corruptiones rerum magnopere pendent, & à quibus vis tota in his inferioribus regitur, & gubernatur, quod Aristotelem non latuit: sed etiam quasi peculiares Angelii peculiari bus rebus, ac effectibus deputati sint in his inferioribus, sive ad exequendam in aliquibus rebus diuinam iustitiam, sive ad alios effectus. Quin potius questione 113, articulo secundo ait D. Thomas probabile esse, diuersis speciebus rerum diuersos Angelos eiusdem ordinis prefecitos, in eandem que sententiam inclinat hoc loco, præsertim in response ad terrum, estque amplectenda sententia Diu Thomæ, maximè quoad primum, nec secundum probabilitate caret, vt idem Doctor sanctus ait: Quod ergo aliqui Angeli perfecti immediatè sint his rebus inferioribus, maximè ad effectus aliquos, qui extra natura cursum fiant, nec

A non ad curandas, ac conservandas species, meliorè cursum vniuersi, probatur. Quibus Augustinus libro 8, quæstionum, quæst. 79, sic ait: Una quæque res visibilia in hoc mundo, habet Angelicam potestatem sibi prepositam. Et octauo super Genesim ad literam, capite vigesimoquarto: Angelis, inquit, Deo subditè frumentis, vt Deo beatè servientibus, subdia est omnis natura corporea, omnis irrationalis vita, omnis voluntas, vel infirma vel prava, vt hoc de subditis, vel cum subditis agant, quod natura ordo poscit in omnibus, subenti illo cui subiecta sunt omnia. Et infra: Ideo Deus bipartita prouidentia sua opere præstet universæ creatura, naturis ut stant, voluntatibus autem vt sine suo iussu, vel permisso nihil faciant. Idem docet tertio de Trinitate, capite quarto. Damascenus secundo libro fidei Orthodoxæ, capite quarto, ait: Diabolus fuisse ex iis Angelicis virtutibus, quæ præserant terrestri ordinis, & cui à Deo terra custodia commisera erat. Et Origenes homilia decimatercia super Numeros: Opus est, inquit, mundo Angelos, qui presunt super bestias, & presunt animalium nativitatē, & virgulorum, & plantationum, & ceterarum rerum incrementis. Gregorius etiam quarto Dialogorum, capite quinto, ait: In hoc mundo visibili nihil, nisi per creaturam inservibile, disponi potest.

Accedunt testimonia Scripturæ sacræ, Apocalypsis septimo: Vidi, inquit Ioannes, quatuor Angelos stantes super quatuor angulos terræ, tenentes quatuor ventos terre ne flarent, quibus addit: Vidi alterum Angelum ascendente ab ortu solis, & clamauit voce magna quatuor Angelis quibus datum est nocere terra, & mari, dicens: Nolite nocere terra & mari, neque arboribus quo adusque signemus seruos Dei nostri in frontibus eorum. Et capite decimoquarto, ait Ioannes: Et aliis Angelus exiuit qui habebat potestatem super ignem. Ex hac tenus tamen dictis non intelligas, Angelos efficere vera miracula. Quoniam licet multa efficiere possint circa res corporeas supra communem earum cursum, non tamen verum miraculum: tamen si preparare, & disponere possint aliqua, vt ultius Deus se solo officiat miraculum, hoc est, effectum, qui totius naturæ creatæ facultatem excedat. Quæstione decimaquarta, articulo sexto, retulimus Hieronymi in illud Abacuc primo: Mundi sunt oculi tui unū cum aliis verbis (que pia expositione indigent, qualem illis adhibuimus) dixisse: Liber ille apocryphus stolidus condemnandus est, in quo scriptum est quendam Angelum nomine Tyri præesse repubilibus, & in hanc similitudinem pīcibūs quoque, & arboribus, & bestiis vniuersis propriis in custodiā Angelos deputatos. Quibus verbis negare videtur Hieronymus, singulis Angelis esse singulas species, vt custodiāntur, creditas.

ARTICVLVS II.

Vtrum materia corporalis obediatur
Angelis ad nutrum.



V d' d' Angeli non possint immediatè inducere formas in materiam, easque de potentia materiæ educere, est communis Theologorum sententia, colligiturque ex Augustino tertio de Trinitate, capite octauo. Rationem huius rei reddidit Durandus in secunda distinctione septima, quæstionē quarta. Quoniam in agentibus corporis est virtus sufficiens ad eas producendas, educendas, &que de potentia materiæ: quare

H h h 4 fustra

frustra Deus Angelis potentiam ad id ipsum communicaret. Potest confirmari, quia effectus nequit produci nisi ab eo, quod vel formaliter, vel eminenter est tale: Angeli autem licet sint perfectiores rebus corporeis, non tamen videntur continere eas in se eminenter. Adde, Angelos esse alterius ordinis, neque in eis videri esse aliam potentiam per quam agant in res corporeas, quam potentiam motuum.

Angeli applicando actiua passus mira possunt efficere.

Licet autem Angeli non producant immediatè formas in materiam, applicando tamen actiua passus possunt medianitibus agentibus naturalibus eas producere. Quare cum optimè penetrerent naturas omnium rerum corporearum, miraque celeritate adducere possint agentia, quibus insunt variae virtutes, eaque passus applicare, diuidere que tam ea, quam passus in minutissimas partes, in eoque situ colligere agentia & patientia, ut fiat celerimè transmutatio: consequens profectò est, vt applicando actiua passus, possint mira quadam celeritate producere varios ac admirandos effectus. Atque hoc modo Magi Pharaonis demonum ministerio, serpentes, ranas, variisque alios effectus producebant. Quo loco obserua, Angelos sua arte, industria, ac vi, co pacto applicare posse varia agentia naturalia, vt secundum communem cursum naturæ, seclusa ea Angelorum industria, non valenter co modo concurrere, ac applicari. Hinc sequitur, interuentu artis, aque industria Angelorum, fieri posse insolitos effectus, qui miracula videantur, quosque agentia naturalia secundum communem cursum, vel quoad substantiam, vel quoad celeritatem, att modum non valeant producere: illi tamen re vera insunt virtute in ipsiusmodi agentibus naturalibus eo modo applicatis: neque Angelus per artem & applicationem aliud eis confert, quam conditionem sine qua illos non producentur. Atque hoc sanè est, quod Diuus Thomas hoc loco in responsione ad tertium intendit, ac docet. Comparat namque applicationem & artem Angelorum ad eos effectus, arti & applicationi qua coquus per ignem mediante arte effectum inducit, quem ignis solus non efficeret: neque enim coquus vim aliquam confert igni, sed modum & conditionem sine qua minimè effectum arte intentum produceret.

ARTICVLVS III.

Virum corpora obedient Angelis ad motum localem.

CONCLVSI O affirmat, estque communis inter Theologos. Est etiam Aristotelis, qui asseruit cœlos à substantiis separatis moueri localiter. Per vim namque, qua suam substantiam possunt localiter mouere transferendo eam de loco ad locum, possunt etiam imprimere impulsum corporibus, eaque localiter mouere.

ARTICVLVS IV.

Virum Angelis possint miracula facere.

Angeli propria virtute non edant miracula.

CONCLVSI O est. Angelis virtute propria non possunt miracula facere. Probatur quoniam miraculum propriè loquendo, est, quod fit præter ordinem,

A & suprà facultatem totius naturæ creatae: quare cum Angeli inter naturas creatas connumerentur, consequens profectò est, eos propria virtute facere non posse miracula. Confirmatur, quoniam miracula sunt in confirmationem vera fidei: quia sunt suprà facultatem Angelorum: alioquin dæmones possent miracula patrare, atque adeò ea non esse sufficiens vera fidei testimonium. Possunt tamen Angelii sancti concurrere ad vera miracula, vel illa impetrando à Deo, vel ministerialiter aliquid ad verum miraculum perpetrando, vt in responsione ad primum ait D. Thomas.

B Sit secunda conclusio. Angeli, etiam mali, propria virtute naturali efficere possunt effectus admirandos, & novos, quorū causæ nobis sunt occulæ. Hæc patet ex dictis articulo secundo. Quare efficere possunt quædam, quæ apparentiam miraculorum habeant. Sic aduentus Antichristi futurus est in multis virtutibus, signis & prodigiis mendacibus secundum operationem Satanæ, vt habetur secunda ad Thessal. 2. Tempore enim illo Satanæ, qui modò ligatus est, solvetur modico tempore, vt Apocalypsis vigesimo habetur.

C QVÆSTIO CXI.

De actione Angelorum in homines.

ARTICVLVS I.

Virum Angelus possit illuminare hominem.



DOBVS modis potest Angelus illuminare homines. Primum est, obiecta eis exterius proponendo per voces, aut signa externa sensibilia vel quousque alio modo. Quo pacto Deus ministerio Angelorum legem docuit filios Israël per voces exteras, iuxta illud ad Hebreos secundo: *Si enim quis per Angelos dictus est sermo factus est firmus, & ad Galatas tertio de lege veteri dicitur, ordinata per Angelos in manu mediatoris, hoc est, Moysis, qui mediator & sequester erat inter Deum & populum: hoc eodem modo Angelus Gabriel certiore fecit Zachariam, non solum de conceptione & nativitate Ioannis Baptiste, sed etiam de sanctitate heroicâ, quam erat affecturus, & de munere, quod erat in Christi Domini aduentu obiturus: docuit etiam & instruxit Dominum nostrum circa mysterium incarnationis. Similiter alij Angelii, qui in corpore specie alii apparuunt, & cum eis locuti sunt, eos docuerunt.*

Secundus modus est, per visiones imaginarias effectas in sensibus internis, & cogitationes in eis excitatas, iuxta sensum quæst. 106. articulo secundo explicatum, laciisque explicadum articulis sequentibus. Non desunt qui affirment, Angelos per sui coniunctionem ad nostra phantasmatâ, atque ad cogitationes nostras internas vñ cum nostro intellectu agente posse adiuuare productionem specierum intelligibilium in intellectum possibilem, eaque ratione efficere, vt dilucidiores, puriores, ac perfectiores species producatur, quibus dilucidior, & melior intellectio fiat. Verum ego non existimo Angelum aliquod aliud lumen, aut aliquid aliud posse immediate efficere, ac infundere in intellectum nostrum possibilem, aut confortare illum interioris aliquo alio modo, sed hoc munus solius Dei esse.